

«ԵՐԻՏԱՍԱՐԴՈՒԹՅՈՒՆԸ ԵՐՐՈՐԴ ՀԱԶԱՐԱՄՅԱԿԻ ՈՒՂՂԱՓԱՌ ԵԿԵՂԵՑՈՒՄ»

ԿՈՆՖԵՐԱՆՍ ՍՏԱՄԲՈՒԼՈՒՄ

Սույն թվականի հունիսի 18-ից 25-ը Կոստանդնուպոլսի Հունաց Տիեզերական Պարբիարք Բարդուղիմեոս Երկրորդի օրհնությամբ Փրկչի մարդեղության երկհազարամյակի առիթով Թուրքիայի Սլամբուլ քաղաքում կազմակերպվել էր կոնֆերանս՝ «Երիտասարդությունը երրորդ հազարամյակի Ուղղափառ Եկեղեցուն» խորագրով, որին հրավիրված էր մասնակցելու նաև Հայաստանյայց Առաքելական Եկեղեցին:

Վեհափառ Հայրապետի բարձր փնօրինությամբ Մայր Աթոռ Սուրբ Էջմիածնից կոնֆերանսին մասնակցեցին Վիգեն սարկավազ Ղազարյանը, Սամվել սարկավազ Կիրակոսյանը և Օր. Գայանե Ալեքսանյանը (Միջեկեղեցական բաժնից): Կոնֆերանսին մասնակցում էին ներկայացուցիչներ աշխարհի գրեթե բոլոր կողմերից, քրիստոնեական Ուղղափառ Եկեղեցիներից, աստվածաբանական ֆակուլտետներից, հասարակական կազմակերպություններից, նաև՝ պարզվիրակություն Կաթոլիկ Եկեղեցուց: Մասնակիցների թիվը շուրջ 600 էր, որոնց մեջ գերիշխող էին ազգությամբ հույները: Կոնֆերանսին մասնակցում էին նաև երեք ներկայացուցիչ Ամբիլիասից՝ Տ. Մաշտոց վրդ. Չոբանյանի գլխավորությամբ, և մեկ կին՝ Կոստանդնուպոլսի Հայոց Պարբիարքությունից:

Կոնֆերանսի բացմանը նախագահեց Բարդուղիմեոս Երկրորդ Հունաց Պարբիարքը: Ներկա էր նաև Կոստանդնուպոլսի հայոց Պարբիարք, Ամենապատիվ Տ. Մեսրոպ արքեպիսկոպոս Մութաֆյանը, բազմաթիվ միպրոպոլիսներ ու հյուրեր:

Ժողովի քննարկման նյութ դարձան Ուղղափառ Եկեղեցուն հուզող խնդիրները.

1. Երիտասարդությունը, քաղոգշությունը և վանականությունը.
2. Երիտասարդության մասնագիտացում, կրթություն, մասնագիտության ընտրություններ.
3. Լեզվի խնդիրը երիտասարդության մեջ այն երկրներում, որտեղ նրանք ապրում և գործում են: Ինչ կարևորություն ունի հունարեն լեզուն հույն սփյուռքի կյանքում.
4. Երկու սեռերի հարաբերությունները (սեռ, ամուսնություն, սեռականություն).
5. Սպիդ, թմրանյութեր.
6. Էկոլոգիական խնդիրներ, երիտասարդության պարտավորությունները այս հարցում.
7. Երիտասարդության փորձառությունը՝ որպես Ուղղափառ սփյուռքի անդամներ:

Ընդունվեց կոնֆերանսի վերջնական բանաձև: Որոշվեց կոնֆերանսը դարձնել պարբերական և գումարել յուրաքանչյուր չորս տարին մեկ անգամ:

Կոնֆերանսը չափազանց օգտակար եղավ մասնակիցների համար, առավելաբար ճանաչողական առումով:

Գնահատելի էր նաև անմիջական շփումը օտարազգի երիտասարդության հետ, նրանց հետ մրքեր ու խոհեր փոխանակելը, նույն հարցերի շուրջ մտորելը:

ՍԱՄՎԵԼ ՍՐԿ. ԿԻՐԱԿՈՍՅԱՆ